



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 158. Frag.

urn:nbn:de:hbz:466:1-32773

Von Abbruch Leiblicher Speiß.

Die 158. Frag.

Auß was Ursach verlachet jr die Fastenung des Leibs/durch Abbruch Leiblicher Nahrung/so doch Christus sampt den Aposteln selbs hat gefastet/Matth. 4. 2. Corint. 11. vnd durch seyn Lehr vnd Exempel solchs als vor Gott verdienstlich befolhen/Matt 6.

Die 159. Frag.

Bedarff es sich das wir fasten/dieweyl Christus gefastet vnd für vns gnüg gethan hat/ Warumb haben dann die lieben Apostel vnd die ersten Christen gefastet/waren sie daß des verdiensts Christi beraubt/ oder warumb hatt dann Paulus vil gefastet vnd sich fasten/ists dann ein heuchlercy an ihme gewesen vnd warumb hat er vns dann selber zu fasten ermahnet vnd was bedorffen wir auch zubetten/dann hatt nit auch Christus für vns gebetten/vnd bittet noch für vns? Actor. 13. 2. Cor. 6. 11. 1. Cor. 9. Rom. 8.

Die 160. Frag.

Sidem also wie Paulus sagt/Rom. 14. Es sey gleichwol alles rein/jedoch sey es dem Menschen böß/so er also isset/das er dardurch ärgernuß gebe/so habt ihr groß vnrecht/an Christlichen gemeynen Fasttagen euch in vnser Gegenwertigkeit ohne Scheuß des Fleischs zugebrauchen/Vnd zwar hetten ihr den Apostel Paulum recht gelesen/so wurdens ihr niemand zutrutz essen/sonder finden das er sagt/Er wolte ehe in ewigkeit kein Fleisch essen/als seinen nechsten oder Brüder dardurch ärgernuß geben/1. Cor. 8.

S

Die